



MUHTASARI WA MAHUBIRI



KARIBU NA UTANGULIZI

Kama una karatasi hii mikononi mwako, maana yake umeaminiwa kupewa ujumbe wa Siku ya Kimataifa ya Watoto na Vijana.

Pongezi! Katika muhtasari huu unaweza kupata habari ya msingi na viashiria vitakavyokusaidia kutengeneza ujumbe wako mwenyewe. Wewe ni mtu wa kipekee na Mungu anazungumza na wewe kwa njia ya kipekee. Kwa hiyo fanya ujumbe huu uwe wa kwako kwa kusoma na kusikiliza kwa makini Mungu anasema nini.

Furahia safari hii pamoja na Mungu na ubarikiwe nayo na ufanyike baraka kwa wengine.

NAANDIKAJE UJUMBE?

1. Chukua muda wa kusoma vifungu vya Maandiko kimaombi. Fanya hivyo mara kadhaa na utumie tafsiri tatu za maandiko. Nini kinakamata ufahamu wako? Una maswali gani? Nini kinakupa changamoto? Mungu anasema nini kwako? Yaandike hayo.
2. Soma habari ya msingi. Hii inagusa namna gani ufahamu wako wa vifungu vya Biblia? Ongeza mawazo yako kwenye maandishi yako.
3. Wafikirie watu unaozungumza nao. Wao ni akina nani? Wana msingi upi? Wana umri gani? Wanahitaji nini? Unaweza kila mara ukakitumia kikundi cha watoto ujumbe mtandaoni. Wahi-mize wasome vifungu vya Biblia na wakufahamishe maswali gani waliyo nayo na nini kinawapa changamoto. Habari hii huwa ya msaada sana, na itakupa wewe mwelekeo mzuri wa ujumbe wako.
4. Unataka watu waondoke na ujumbe upi? Uandike kwa sentensi moja.



5. Jitahidi kuzingatia kipengele kimoja au vitatu vya ujumbe wako. Uwe huru kuchagua vya kwako, lakini kuna mfano kama unataka kuzingatia kuhusu ufalme wa Mungu.
 - a. Ukubwa wa mbegu unatuambia nini kuhusu Ufalme?
 - b. Ule uwezo wa mbegu kukua unatuambia nini kuhusu Ufalme?
 - c. Lile umbo la mti ukiwa na ndege linatuambia nini kuhusu Ufalme?
6. Unaweza kufunua vipengele hivi vitatu kwa habari na maswali uliyokuwa nayo wewe au yaliyotoka kwa kundi la vijana.
7. Malizia ujumbe wako kwa maswali ya 'kustaajabisha' yanayowapa changamoto watu kama.
 - a. Sijui ni sehemu gani ya hadithi hii inakuhusu wewe.
 - b. Sijui ni sehemu gani ya hadithi hii ni ya muhimu sana
 - c. Sijui nini kinakupa changamoto kubwa katika hadithi hii.
8. Waalike watu watoe majibu kwa njia yao kuhusu nini Mungu anawaambia. Je, Mungu anahitaji wajitoe upya? Je, Mungu anawapa changamoto watu wafanye jambo? Elezea mahali pa kiti cha rehema na waalike watu watumie kiti cha rehema kama mahali pa maombi, wakijitoa au wakifanya upya kujitoa kwao.

MAANDIKO

"Akawatolea mfano mwingine, akisema, Ufalme wa mbinguni umefanana na punje ya haradali, aliyoitwaa mtu akaipanda katika shamba lake; nayo ni ndogo kuliko mbegu zote, lakini ikiisha kumea, huwa kubwa kuliko mboga zote, ikawa mti, hata nyuni wa angani huja na kukaa katika matawi yake."

- (Mathayo 13:31-32)

HABARI YA MSINGI

Katika injili ya Mathayo, Yesu anamwambia kila mmoja kwamba amekuja na ufalme umewadia. Mathayo kila mara anasema 'Ufalme wa Mbinguni', wakati wainjillisti wengine mara nyingi wanasema 'Ufalme wa Mungu'. Mathayo anapernda kutumia lugha ya Kiebrania, lugha ambayo Wayahudi waliizungumza. Wayahudi hawaruhusiwi kutamka jina la Mungu, kwa hiyo husema 'Ufalme wa Mbinguni' badala ya 'Ufalme wa Mungu'. Lakini ina maana ile ile.

Zamani, Wayahudi waliahidiwa kwamba Ufalme utakuja. Yesu anakuja na ujumbe ule ule bali huongezea kitu kipya: Ufalme umewadia. Kwa kweli, umekwisha fika hapa sasa.!

Yesu anatumia mifano kadhaa kuelezea kwa hakika Ufalme ulivyo.



Anaulinganisha na mbegu ya haradali unayopanda katika udongo. Ni mbegu ndogo na hauoni bado mmea unaotoka ndani yake, lakini utakua na kuwa mmea mkubwa. Vile vile analinganisha Ufalme na chachu. Hiyo huwa ndani ya mkate na hufanya mkate uvimbe. Mwanzoni unga wa mkate uliokandwa huwa mdogo na ulioshikamana lakini kwa sababu ya chachu, utakuwa mkubwa na mkubwa zaidi.

Yesu, anamaanisha kwamba tayari Ufalme umewadia hapa duniani, kama ule mmea uliomo ndani ya mbegu ndogo na kama chachu katika unga uliokandwa. Hatimaye Ufalme utakua au utaongezeka na kuwa kitu fulani kikubwa kisi-chofikirika.

Mfano unaotaka kutupa nguvu. ***Bila kujali Ufalme umejifi-cha na haujulikani kiasi gani, utapenya kote katika uwezo wote.!***

MASWALI

Kuna maswali machache katika hadithi hii. Labda unaweza kuliacha kusanyiko na maswali wanayoweza kuyafikiria. Hapa kuna mapendekezo. Unaweza kupata mawazo katika mifano ya ujumbe.

Sasa nashangaa ...

- ... nani ni Mpanzi katika hadithi?
- ... ndege katika hadithi hii ni akina nani?
- ... je walifurahia kuupata mti huo?
- ... viota vinaweza kuwa ni nini kwa kweli?



UJUMBE MFANO

(Mathayo 13:31-32)

Unaweza kutumia ujumbe huu kama mfano na hamasa ya ujumbe wako mwenyewe.

UTANGULIZI

Haleluya!



Umewahi kusikia au kuona mbegu ya haradali? (Labda onyesha mbegu ya haradali kidoleni mwako.) Mbegu za haradali ni ndogo sana na nyepesi na huchukua mbegu 725 hadi mbegu 726 kuwa na uzito wa gram 1. Ukubwa wake ni milimita 0.5 hadi 1. Unafikiri kitokea nini kwa mbegu ya haradali baadaye? (Sikiliza watoto wanafikiria nini).

Mbegu za haradali hutumika katika Biblia mara kadhaa kama alama ya vitu vidogo na hapa imetumika kama picha ya ufalme wa Mungu, dunia mpya inayokusudiwa. Kwa nini itakuwa hivyo? Hebu tusome mstari wa 31 pamoja.

“Akawatolea mfano mwingine, akisema, Ufalme wa mbinguni umefana-na na punje ya haradali, aliyoitwaa mtu akaipanda katika shamba lake, nayo ni ndogo kuliko mbegu zote lakini ikiisha kumea, huwa kubwa kuliko mboga zote, ikawa mti, hata nyuni wa anagani huja na kukaa katika matawi yake.”

Inawezekana namna gani mbegu ndogo duniani kuwa Ufalme wa Mungu? Hebu tupate siri kupitia kwa neno la Mungu.

UKUBWA WA MBEGU

Kwa hiyo, kwa nini Yesu alilinganisha Ufalme wa Mungu na mbegu ya haradali? Kwanza, ni kwasababu mwanzo wa Ufalme wa Mungu ni kama mbegu ndogo ya haradali. Kama mbegu ya haradali, huanza kidogo na bila kuonekana.

Angalia mbegu. Ni ndogo kiasi kwamba zinaweza kupotea haraka kwa mguso au upepo mdogo.

Kumbuka jinsi Ufalme wa Mungu ulivyokuja hapa duniani. Katika mtoto mdogo, jina lake Yesu. Akawa na marafiki 12, Yesu aliwaonyesha watu waliomzunguka maana yake nini kuwa sehemu ya Ufalme wa Mungu. Alishirikiana na wengine chakula, aliwaponya wagonjwa na akafundisha watu sheria kuu ya Ufalme wa Mungu: mpende Mungu kwa moyo wako wote, akili na nguvu zako zote na uwapende wengine kama unavyojipenda mwenyewe.

NGUVU ZA MBEGU

Katika wakati wa Yesu, mmea wa haradali ulichukuliwa kuwa ni wenye afya, kama dawa. Wakulima siku hizi wanafahamu unafaa kwa udongo. Hufanya udongo uwe mzuri zaidi na huzuia magugu kumea. Mambo machache unayoweza kuyafahamu hivi sasa.



- Sehemu za mmea hutumika kwenye brashi za meno kwa sababu huweza kuzuia kung'oa meno.
- Matunda na mbegu za haradali zina vitamin A na C, calcium, chuma, potassium, magnesium na selenium.
- Husaidia kupambana na mvurugiko wa damu, kuumwa kichwa, kusahau na asma.

Mbegu hizi ndogo zina wingi wa vitu muhimu kwa uponyaji na urejesho. Moja ya hadithi za ajabu katika Biblia ni kuhusu kifo na kufufuka kwa Yesu. Ni nguvu takatifu za Mungu zilizomwezesha Yesu afufuke baada ya kufa, kudhihirisha kwamba Mungu Roho Mtakatifu ni mwenye nguvu kuliko giza lolote. Ufalme una vitu vile vile muhimu, kwa sababu ya nguvu za Mungu Mtakatifu, zinazofanya kazi ndani na kupitia kwa watu.

Unatambua nguvu takatifu za Mungu zilizo ndani yako? Unaweza kuwapenda watu kama Yesu. Unaweza kushirikiana na wengine chakula, kama Yesu. Unaweza kuwasahirikisha wengine habari njema kuhusu Ufalme wa Mungu, kama Yesu. Una uwezo wa Ufalme!!

MATOKEO YA MBEGU

Mmoja wa watu walioishi wakati wa Yesu zaidi ya miaka 2000 iliyopita ni Pliny mku-bwa. Pliny alikuwa askari, mkongwe, msomi na mwana sayansi aliyependa mimea. Aliandika yafuatayo kuhusu mmea wa haradali.

Haradali . . . na ladha yake na matokeo yake makali ni wenye manufaa sana kwa afya. Humea porini, ingawa huboreshwa kwa kupandwa lakini upande mwingine, mara unapokuwa umepandwa sio rahisi kupata nafasi ya kuutenga kwani mbegu zinapoanguka humea mara moja.

Mmea wa haradali ni mgumu kuzuiliwa, utamea kila mahali! Kama Ufalme wa Mungu. Utamea ndani ya dunia mpya mahali upendo wa Mungu utatawala. Utatoa nafasi salama kwa watu wanaohitaji kupumzika au kujificha, kama wale ndege. Utatoa nafasi kwa watoto wadogo na watu wazima. Unawajumuisha masikini na watu matajiri kutoka kila kabila, taifa na rangi. Sehemu ya ufalme huu tayari yaonekana, kwa mfano, katika maisha ya watoto ambao tayari wako sehemu salama kwa sababu ya vituo vya Jeshi la Wokovu vinavyowatunza sasa. Au unapoona watoto wanaoanza kujifunza kuandika na kuanza kunawiri kwa sababu ya mipango ya baada ya shule katika kikao cha Jeshi la Wokovu. Unaweza hata kuona katika tabasamu ndogo, ikileta mwanga katika maisha ya wengine.

Tunaweza kuonekana wadogo na dhaifu, lakini tukiwa na nguvu takatifu za Mungu, tunaweza kukua vizuri. Roho wa Mungu bado anatumia vitu vidogo na visivyooneka na kukuza dunia mpya ya haki, amani na upendo isiyoweza kuzuilika.

Wewe ni nani katika hadithi hii?

Unajisikia kuwa mdogo, kama mbegu ndogo ya haradali?

Unajisikia kuwa kama ndege, anayehitaji mahali pa kujihifadhi na kupumzika?

Huenda wewe ni mmoja wa yale majani na matawi yanayotoa hifadhi.

Hadithi hii inakualika uwe sehemu ya nguvu hii isiyozuilika duniani. Nguvu ya upendo na neema mahali ambapo walio katika mazingira hatarishi hukimbilia hifadhi dhidi ya makali ya dunia. Kitu kimoja unachotakiwa kufanya ni kusema 'ndiyo' kwake Mungu na umruhusu roho wake akuze upendo wako kwa Mungu, na kwa wengine na kwako mwenyewe.

